

台灣雜記
全冊

光緒乙酉仲春月鐫

臺灣雜記

湖南黃氏合建總祠試館於會垣距
余家僅數武規模閎厰氣象軒昂每
屆科場族中士子雲集衣冠文物煥
然一新誠盛事也詢及創始落成皆
吾邑黃曉墀大令總理其事曉墀抱
負不凡遊徧畿輔閩臺江浙經歷之

區不獨感慨悲歌寓意於美人香草
猶見靈均之遺卽風土人情皆得隨
時紀載編輯成書余去冬督師援閩
屢欲渡臺力掃海氛以報國乃衰年
持節始阻於同官終止於和議不獲
登臺一覽是用歎然忽閱曉墀臺灣

雜記其間形勢如在目前殆歎有心
人相見已晚使早得展其才而大其
用將由家而國而天下雖艱鉅有所
不辭余老矣愴懷時事涕濕征衫惟
楚有材狂瀾待挽於曉壩有厚望焉
是爲敘

光緒乙酉仲夏月

欽差大臣太子太保東閣大學士督
辦福建軍務二等恪靖侯加一等輕
車都尉湘陰左宗棠敘

余官閩粵出使西洋經歷之區風土
人情皆得隨時紀載以廣見聞不意
黃君曉墀實獲我心臺灣雜記一書
全臺形勢洞澈言之足資攷覽尤喜
熟番謨其言悽惻白樂天秦中樂府
猶有遺音欲撰敘言曉墀重游閩海

匆匆話別爲書數語用附簡端時事
艱難需才孔急知採納有同心也
光緒十年甲申仲冬月

愚弟郭嵩燾拜題

湖南省會曾文正公祠內思賢講舍
係郭筠仙李仲榮朱雨田張力臣諸
公糾集鹽商捐貲創設每歲聘師講
明經學爲國儲材意深遠矣申浦衰
邁主講叅年今秋湘陰黃景芬茂才
與執艇焉黃生英姿卓犖博覽旁搜

爲文簡練揣摩具徵切當余心契之
知學固有淵源也一日出乃翁曉墀
先生臺灣雜記一書經郭筠仙中丞
張冶秋太史李幼梅觀察周定軒廣
文大加評贊閱之如親遊其地旋晤
曉墀詢悉鯤洋遠涉曾由潞浦而畿

輔而閩臺而兩浙諸凡遊厯之區靡
不撫景興懷感時寓意形爲歌詠非
尋常贈答所能同曉墀著作盈囊士
大夫和韻敘言皆足光輝梨棗開擴
胸襟而是書剴切詳明洵不讓孝侯
風土記留心時務軫念民艱當軸採

擇而嘉許之其有同心哉爰懲愚付梓
勉爲之敘

光緒十年甲申葭月

世愚弟彭申甫頓首拜敘

自曼倩有畢方之辨同朝駮為枳聞會宗綴
行役之吟史氏歎其閎識遐覽所逮勝游斯
傳曉墀黃君素挺嫩才雅負遠抱長征閩嶠
奉公瀛郡乘查乎天表酌酒乎海會鐵綫橋
畔高歌則劒槩交橫紅毛樓頭博辯則刁斗
互奮積日既久采風殆徧是用紀載藉資徵

攷審程記里寔仿地志尋俗識怪特殊齊諧
軍國攄其偉略湖山壯其豪氣信乎發皇耳
目被飾才藻矣方今西彝抗順東都經武鯢

身紆鬱陰瘴晨晦鹿耳嶮峻烽煙夕驚火艦
揚波飛馳龍螭之窟天戈浴日稽破疆羆之
軍仄席旁求長纓爭請君其更罄心畫翊成

膚功奪得崑崙奔走張鎰之譙刻以金石掄
敷平蔡之勛梟性克馴蠻化待治濟世有具
酬知非偶庶幾彊臺千里亶趾名賢舊蹟之
遺縹囊一編匪惟王會新圖之續

光緒十一年歲次乙酉孟夏月同邑李輔燿

拜手謹敘

臺灣雜紀跋

黃君曉墀先生所著臺灣紀事略於全臺形勢利害
本末臚攷甚備及所論撫番禦夷之策皆切中情事
可施行又嘗為生番熟番二歌與東瀛竹枝詞若干
首以達民難言之隱詳風土之異可謂有心當世之
務者矣今臺事日棘聞先生現在臺疆勦事戎幕
其戰守大計固日往來於胸中所建議當必有不止
於是者然即是已見先生於臺籌之至熟至悉為

足資帷幄之折衝也其嗣芷階茂才為講舍高才生
出是編屬余序余於文弗能工也固謝之聊綴數語
簡末志仰止云

光緒十一年己酉歲孟夏月都梁彌之鄧輔綸謹跋

本末顯克甚前文而無無番樂夷之樂皆以中制事
黃岳新報決主伯者臺新路事田本
臺新報路起